

Kargu barriak

Inaki Garmendia Fano, Bilboko Sagrada Familia elizako erretore. Ramon Maria Mendizabal, Gatikako erretore (lehengoak, Isidro Elorrietak, bere gogoz utzi dau kargua). Isidro Elorrieta Cenica-Onandia, Gatikako koajutore. Felix Matias Lasa Lasa, Begoñako Ama Klarise-tako kapellau.

Elizgizon barriak

Ekainaren* 7-an, abade jaun egin zan Román Landera Martín gaztea. Ta sudiakonu ta diakonu, José María Aguirre, José Joaquín Albistur, Antonio Aranzadi, Santiago Arzubialde, Miguel Angel Azagra, Guillermo Beamont, Santiago Benito, Javier Berriatua, Luis de Diego, José María Gondra, Miguel Guzmán, Juan María Imaz, Miguel Angel Mora, Alberto Pérez (guztioak Jesusen Lagundikoak), José Antonio Valverde ta Luis Fernández (Kamilotarraak).

Diru batzea

Joan diran urtarril, otsail* eta martxoan, 463.247 mila peseta batu ditu Bizkaiko elizbarrutiak. Dirurik gehien batzen dan eliza Bilboko San Vicente da, bertan ilero 24.000 peseta batzen baitira*.

Zamorako kartzelan dagozan abadeak

Zamorako espetxean diran abadeak ikasten dihardue gogor. Alberto Gabcigogeoasca, Martín Orbe, Felipe Izaguirre, Jesus Naberan eta Julen Calzada "Filosofia y Letras" ikasten ari dira; eta, esaminak egin ahal izateko, Valladolideko espetxera aldatu zituen, ohi diran zaitzailak lagundurik. Beste enparaduak* be ikasten dihardue, baina Unibersidadera jo barik.

Zirarda jaunaren eskutitza

Bizkaiko elizbarrutiko 9 abade atzeman, epaitu eta Zamorako espetxean sartuak izan ondoren, Zirarda jaunak, Bilboko gotzainak, eskutitz bat bidaldu eban diosesiko eliza guztietara, ekainaren* 4 eta 5-ean meza denboran irakurteko. Karta hau, agentzia baten bidez, egunkari* guztietara bidalduta izan zan; baina ez eban batek bere argitaratu. Bizkaiko elizbarrutiko ekaineko boletinean bere ez da agertu.

Giltzaperatutako abadeak euren parrokiatara

Zamorako espetxera eroandako 9 abade honeetatik 8 askatuak izan ziran ekainaren* 18-an: Cipriano Zamalloa Larrabetzura, Anastasio Olabarria Sestaora, Martín Ormaeche Sestaora, Ernesto Araco Sestaora, Francisco Regidor Sestaora, Antonio Gurruchaga Sestaora, Jose Antonio Zabala Dima, Javier Sagastagoitia Barakaldora.

Zortzi abade honeek errekurso bat egin eben Ejerzituko Ministeriora. Errekursu horretan esaten eben, euren danadalako delituak, behin sei ilabete igaro ezker, preskribidu egin ebal, militar juezaren esanez "arina" baitzan*. Baina behin bere ez eben baieztuten, eurak ezelako delituri egin ebenik.

Jose Antonio Calzada, Gernikarra ta Basauriko abadea, kartzelan gelditu zan ilabeteko zigorra bete arte, ez baitau* nahi izan aipaturiko errekurso hori egiterik.

**«Te Deum» baten inguruan argitasuna**

Bilboko egunkariak* Pilar Careaga Bilboko alkatearen ohar bat argitaratu eben. Ohar horren arabera*, "Te Deum" kantatzea debekatu zen ebal adierazo ei eutson Zirarda jaunak alkateari. Egiaz gertatu zana, hauxe da: Bilbo liberatu eben egunaren urteurren bezperan kanpai ots aundienak egiteko eskatu eutson alkateak obispoari. "Gure elizbarrutia —erantzun eban Zirarda jaunak— nahiko tristerik dago, holakoak egiteko".

Begoñako abadeak, oster, euren artziprestearekin batera, aditzen emon eutsoen alkateari, eurak ez ebela nahi Begoñako elizan "Te Deum"-ik kantatzerik. Azken jestino hau Ubieta jaunaren eta alkatearen laguntzailen baten bidez egin zan, bai Zirarda jauna eta bai alkate andrea kanpotik ziran eta. Begoña inguruko artziprestea Jose Luis Atxotegi da, 28 urtekoa, Durangarra, orain Otxarkoaga izeneko Bilbo egaleko langile auzo baten ari* dana.

Bilboko gotzainaren eta bere abadeen arteko kartazko alkarrizketa

Bilboko Gotzain Jose Maria Zirarda jaunak, ekainaren* 25-ean, bizkaitar elizgizon guztiei bidaldutako karta batean esaten dan legez, maiatzaren 30-ean bizkaitar elizgizon batzuek karta bat emon eutsoen eskuz.

Karta hau, iru zatikoa ei da. Lehenengo partean, 37 sinatzailek* (eurotariko 10, fraileak dira) esaten deutsoe Gotzainari, bere jokabidea maltzurra ta arriskugarria dala, "alienantea" eta indartsuei lotua, eta, Ondarroan egindako "ezkontzari" buruz, haren ilegimitotasuna baino ez dauala salatzen.

Bigarren zatian, 25 sinatzailek (eurotiko bat, frailea da) esaten deutsoe Gotzainari, euren karguak utzi ez arren, Eliza ofizialari "errelatibuki" baino ez dirala lotzen, eta, kargu horreetaz baliaturik, Ondarroakoa lako kristinau komundidadeak sortzen jarraituko dabela.

Ta hirugarren zatian, 6 sinatzailek (euron artean fraile bat) Eliza ofizialek kanporako kristinau taldeetan lotiko dirala, gaurko, euren abadetzara emonkorrago izateko biderik egokiena deritxoela ta.

Aipatutako Gotzainaren karta horretan esaten danez, elizgizonen karta hori abade bik eskuz eroan eben Obispadura; baina sinatzaileen izenak makinaz jarriak ziran, eta ez eskuz.

"Nire lanari kritikea egitea —dino Gotzainak— ondo ikusten dot, utsak danok ditugu ta". Gero Ondarroako kasua azaltzen dau, balore jatorrak dituala esanaz, baina jatortasun hori eliz-alkartasunean oinarritu barik dagoala salatuaz. "Danok egin behar dogu ahalegina, gauzak barriztatze —dino Zirarda jaunak; baina beti Jerarkiarekin batean, Jerarkiagandik kanpo ez baitago* eze-lango Elizarik. Gotzainaren zeregina —jarraitzen dau Obispo jaunak— pazientzia gobernatzea da, baina baita dotrina onez bere. Eta kasu honetan, dotrina ona arriskuan dago. Eliza barruan ezin daiteke dialektikazko modu iraultzailerik* erabili".

ESKARI BIZI BAT

Jose Antonio Kalzada ere, giltzpean ila bete osoan egon ondoren, etxeratu barria da. Han barruan luzarorako dagozanak Aita Santu Paulo VI-garrenari egindako karta bat ekarri, baina espetxeko atezainen eskuetan gelditu da, handik atartzeko behar dan baimenik ez eukan ezker, legez-kanpo bait ekarren. Legezkanpotik karta hori bidaltzekotan ibiltzematik barruan geldututako izenpetzaileak, ohi dan legez, zigortuak izan dira.

J. A. Kalzada jaunak aitzen emon izan dau, barrukoek arren bai arren eskatzen deutseela Eliz-Agintariei, abadeentzat bakarrik dan espetxe horretatik atara daiezan eta beste erriarrek diran ohi dan espetxetara eroan. Eliz-Agintariak hau lortu ezin badabe, edo lortzen ahalegintzen ez badira, eta euren erriarrek batera egotea maite dabeelako, guztioak minduko gindukeazan zerbait egitera berriturik arkituko direla.

J. A. Kalzada jaunak bere parrokiako lanetara lotu da, Basauriko Done Migelel elizan.

ANAITASUNA

BIZKAIA, Amabosterokoa, 12

Zuzendaria: Angel Celayeta Guisasa.

Jabea: Kantauriko Frantziskotar Irugarrendarrak, Durangon, Intxaurrondo, 3.

Idazkola ta banakola: Bengoetxe, 33-b, Galdakano. Tel. 396 eta 397. XVIII-gn. urtea. 191 zenb. 1970.

Uztailak 15

D. L. Bi. 1.753-1967.

Inprimatzen dau: Imprenta IDEAL-ek, Galdakanon, Bengoetxe, 70.

Irartzen dau: RALI,